

Na osnovu člana 78. Zakona o izvršenju Budžeta Tuzlanskog kantona za 2016. godinu ("Službene novine Tuzlanskog kantona", broj 17/15 i 4/16), a u vezi sa članom 3. i 13. Odluke o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede, broj: 02/1-14-20624/16 od 20.09.2016. godine, Ministarstvo trgovine, turizma i saobraćaja Tuzlanskog kantona (u daljem tekstu: Ministarstvo) raspisuje

JAVNI POZIV
za predlaganje programa i projekata neprofitnih organizacija i udruženja
za raspodjelu namjenskih sredstava prikupljenih po osnovu naknade
za obavljene tehničke preglede u iznosu od 30.000,00 KM

(Pravo učešća)

Pravo učešća imaju neprofitne organizacije (u daljem tekstu: Organizacije) i udruženja koja su registrovana u Ministarstvu pravosuđa i uprave Tuzlanskog kantona, kao i organizacije i udruženja koja su registrovana u skladu sa zakonom na entitetskom ili državnom nivou, a koja imaju sjedište, obavljaju djelatnost i implementiraju projekte na području Tuzlanskog kantona (u daljem tekstu: Kanton).

(Transparentnost postupka)

Javni poziv iz člana 3. Odluke o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede objavljuje se na zvaničnoj Web stranici Vlade Kantona, www.vladatk.kim.ba i u dnevnim novinama „Oslobođenje“.

(Preferencijalni kriterij)

Sredstva planirana u Budžetu Kantona za ove namjene, raspodjeljuju se prvenstveno organizacijama i udruženjima čiji se programi i projekti odnose na:

1. unapređenje vršenja kontrole tehničke ispravnosti vozila na stanicama tehničkog pregleda,
2. edukaciju djece u predškolskom i školskom uzrastu iz oblasti saobraćajne kulture i poznavanja saobraćajnih propisa,
3. edukaciju vozača po pitanju zaštite čovjekove okoline i smanjenja emisije izduvnih gasova,
4. promociju i organizaciju biciklističkih, auto i moto utrka i manifestacija,
5. povećanje nivoa bezbjednosti saobraćaja,
6. unapređenje nivoa usluga kod prijevoza putnika,
7. obilježavanje značajnih datuma iz oblasti saobraćaja (dan vozača i automehaničara, dan bez vozila i drugo).

Iznos sredstava koja se dodjeljuju po jednom podnosiocu zahtjeva, čiji projekat je prihvaćen, je maksimalno 5.000,00 KM.

Udruženje ima pravo na javni poziv prijaviti najviše dva projekta.

(Isključivi kriterij)

Prilikom procjene neće se razmatrati programi i projekti :

- koji su usmjereni ka vjerskim ciljevima i aktivnostima,
- koji se isključivo baziraju na investicijskim ulaganjima, izgradnji i adaptaciji objekata,
- koji imaju administrativne troškove na projektu veće od 30% troškova ukupnog budžeta projekta,
- koji su napravljeni samo u korist članova organizacije i udruženja,
- organizacija i udruženja koja nisu dostavili izvještaje o utrošku sredstava u skladu sa potpisanim ugovorima iz ranijeg perioda.

(Način prijave)

Organizacije i udruženja podnose prijavu na javni poziv tako što popunjavaju Prijavni obrazac koji se može preuzeti sa Web stranice Vlade Tuzlanskog kantona (www.vladatk.kim.ba) ili u pisarnici zajedničkih službi kantonalnih organa.

Prijavni obrazac se podnosi zajedno sa propisanom dokumentacijom u zapečaćenoj koverti, a predaje putem pošte ili na pisarnicu zajedničkih službi kantonalnih organa.

(Krajnji rok za podnošenje prijave)

Krajnji rok za podnošenje prijave je 10 dana od dana poslednjeg objavljivanja javnog poziva.

Sve prijave koje pristignu na pisarnicu zajedničkih službi kantonalnih organa nakon navedenog roka vratit će se pošiljaocu i neće biti razmatrane.

(Potrebna dokumentacija)

Uz Prijavni obrazac obavezno se prilaže :

- Rješenje o upisu u Registar kod Ministarstva pravosuđa i uprave Tuzlanskog kantona ili drugog nadležnog organa u Federaciji Bosne i Hercegovine ili u Bosni i Hercegovini [sjedište udruženja, navedeno na Rješenju mora biti na području Tuzlanskog kantona] (original ili ovjerena kopija),
- Uvjerenje o poreznoj registraciji (original ili ovjerena kopija),
- Program ili projekat za koji se traži sufinansiranje, ovjeren i potpisan od strane podnosioca, koji treba da sadrži sljedeće podatke:
 - naziv i opis projekta,
 - oblast saobraćaja na koju se odnosi projekat,
 - ciljevi projekta,
 - aktivnosti koje će se provesti da bi se postigli postavljeni ciljevi,
 - podaci o uključenosti i broju volontera na projektu,
 - ukoliko postoji partnerstvo, naziv partnera - druga neprofitna organizacija ili institucija iz javnog sektora sa dokazom o partnerstvu (ugovor ili slično),
 - očekivani rezultati projekta,

- rok realizacije projekta,
- specifikacija troškova sa visinom sredstava koja se potražuje od Ministarstva i visina sredstava koja ulaže aplikant u realizaciji projekta (navesti detaljnu specifikaciju)

Prijave na javni poziv koje ne budu dostavljene u skladu sa traženom dokumentacijom neće biti razmatrane.

(Bodovni kriteriji)

Ministarstvo sačinjava preliminarnu listu cijeneći slijedeće kriterije:

1. obuhvaćenost osoba programom/projektom,
2. rok realizacije programa/projekta,
3. broj uključenih volontera,
4. partnerski odnos sa drugom neprofitnom organizacijom ili institucijom iz javnog sektora u realizaciji projekta.
5. oblast saobraćaja na koju se odnosi projekat i ciljevi projekta.

(Ugovor o međusobnim pravima, obavezama i odgovornosti)

Svi prijavljeni aplikanti će moći pogledati preliminarnu listu na web stranici Vlade Tuzlanskog kantona.

Rok za pisani prigovor na preliminarnu listu po javnom pozivu je pet dana od dana objave na web stranici Vlade Tuzlanskog kantona. Prigovor se upućuje u pisanoj formi ministru trgovine, turizma i saobraćaja.

Odluku po prigovoru donosi ministar u roku od pet dana od dana isteka roka za prigovor.

Odluka ministra po izjavljenom prigovoru je konačna.

Po okončanju roka za prigovor na preliminarnu rang- listu, ministar donosi Odluku o utvrđivanju konačne liste, na koju saglasnost daje Vlada Tuzlanskog kantona.

U roku od 10 dana od dana davanja saglasnosti Ministarstvo zaključuje ugovore sa neprofitnim organizacijama, kojim će regulisati međusobna prava, obaveze i odgovornosti.

Ministarstvo trgovine, turizma i saobraćaja

POPUNJENI PRIJAVNI OBRAZAC SA SVIM PRILOZIMA
PODNOŠI SE U ZAPEČAČENOJ KOVERTI , A PREDAJE PUTEM POŠTE ILI NA
PISARNICU ZAJEDNIČKIH SLUŽBI KANTONALNIH ORGANA NA ADRESU:

TUZLANSKI KANTON

MINISTARSTVO TRGOVINE, TURIZMA I SAOBRAĆAJA TUZLANSKOG KANTONA
Rudarska br. 57
75 000 Tuzla

[sa naznakom]

"Prijava na Javni poziv za predlaganje programa i projekata neprofitnih
organizacija i udruženja za raspodjelu namjenskih sredstava
prikupljenih po osnovu naknade za obavljene tehničke preglede "